



**Vschinauncha da S-chanf**  
7525 S-chanf

Engadin

## Radunanza cumünela

# Bannida / Missiva

**per la radunanza cumünela in marcildi, ils 9 october 2019 a las 20.00  
sül palc da la sela polivalenta S-chanf**

Stimedas votantas e stimos votants,

La suprastanza cumünela suottametta cotres la bannida e la missiva per la radunanza cumünela dals 9 october 2019 a las 20.00 sül palc da la sela polivalenta S-chanf ed invida amiaivelmaing da piglier part a quella.

### **Tractandas:**

1. Protocol da la radunanza cumünela dals 21 avuost 2019\*
2. Preschantaziun da l'analisa d'alp
3. Iniziativa - Controlla remuneraziuns e spaisas pajedas i'ls ultims desch ans als presidents cumünels\*
4. Nominaziuns tschernas cumünelas dals 20.10.2019, trienni 2020-2022
5. Varia

**\*La documainta per las tractandas sto ad invista/po gnir retratta tar l'administraziun cumünela u es visibla sün l'internet suot:**

**[www.s-chanf.ch](http://www.s-chanf.ch)**

|                                       |
|---------------------------------------|
| DEUTSCHER TEXT: BÜCHLEIN BITTE WENDEN |
|---------------------------------------|

## 1. Protocol\*

Il protocol da la radunanza cumünela dals 21 avuost 2019 es sto publicho a partir dals 29 avuost 2019. Fin ils 25 settember 2019 nu sun entros üngünas objecziuns regard il protocol.

## 2. Preschantaziun da l'analisa d'alp\*

### Situaziun da partenza:

La firma spezialiseda «Büro Alpe» cun egnas experienzas e savair ho elavuro zieva avoir fat püs workshops culs purs e cun la populaziun da S-chanf e discuors culs rapreschantants da la vschinauncha, dals uffizis ALG e ALT ün'analisa extaisa da la gestiun da las alps da S-chanf. Ils resultats vegnan preschantos dals respunsabels per quist proget duonna e sar Doris e Cornel Werder (dipl. ing. agr. ETH).

## 3. Orientaziun - Iniziativa - Controlla remuneraziuns e spaisas pajedas i'ls ultims desch ans als presidents cumünels

### Situaziun da partenza:

Ils 19 marz 2018 haun 29 personas inoltro ün'iniziativa cun la seguinta formulaziun:

***As basand sün art. 19 dals tschantamaints cumünels da la vschinauncha da S-chanf pretendan ils suotsegnos, ch'ün giurist da lingua rumauntscha controlla insembel cun la cumischiun da gestiun, scha las remuneraziuns e spaisas pajedas i'ls ultims desch ans als presidents cumünels correspuondan a l'uorden da salarisaziun per ufficients, impiegos e lavuraints cumünels e vschinels da la vschinauncha da S-chanf, approvo da la radunanza cumünela dals 25 october 2007. Eventuelas irregulariteds dessan gnir comentedas e quantifichedas in ün rapport a maun da la radunanza cumünela.***

Ils 24 october 2018 ho la radunanza cumünela accepto l'iniziativa.

La cumischiun da gestiun ho preparo sün giavüsch da la radunanza dals 21 avuost 2019 il rapport finel chi pertuocho las remuneraziuns e spaisas pajedas als ulteriurs presidents cumünels: Romedi Arquint e Duri Campell. Quist rapport vain preschanto a la radunanza cumünela, accompagno dal giurist sar dr. Marco Toller.

### Proposta:

La cumischiun da gestiun propuona a la radunanza cumünela d'accepter il rapport finel.

Per tractanda 3 - ils commembers da la CdG: L. Parli, Ch. Berger, D. Plazzer

#### **4. Nominaziuns tschernas cumünelas dals 20.10.2019 trienni 2020-2022**

##### **Situaziun da partenza:**

Tschernas 2019, trienni 2020-2022. Tenor constituziun cumünela, artichel 30 e 39, ho lö aunz las tschernas cumünelas a l'urna üna radunanza da nominaziun per fer propostas da tscherna per seguaintas autoriteds cumünelas:

Il president cumünel, il vicepresident cumünel, ils commembers da la suprastanza cumünela, il suppleant da la suprastanza cumünela, ils commembers da la cumischiun da gestiun ed ils commembers dal cussagl da scoula.

Las tschernas cumünelas a l'urna, 1. scrutin, haun lö in dumengia, ils 20.10.2019.

S-chanf, ils 27.09.2019

##### **La suprastanza cumünela**

|               |              |
|---------------|--------------|
| Il president: | G. Largiadèr |
| L'actuara:    | A. Kohler    |

